

太原縣志卷之二

城垣

城垣者禦暴保民之所太原古晉陽地傳稱智伯決水灌之不浸者三版當時城郭之完何如也今之邑城創自前明景泰元年完於

國朝康熙四十有七年今漸圯矣當事者所宜熟籌也志城垣

太原縣城卽古晉陽之南關基也明洪武八年改爲太原縣景泰元年知縣劉敏因舊基始築城周圍七里高三丈濠深一丈門四東曰觀瀾西曰望翠南曰進賢北曰

太原縣志

卷之一

城垣

一

奉宣外城門額東曰東汾聚秀西曰西兌金湯南曰桐蔭晉陽北曰古原屏翰正德七年邑人少師王恭襄公倡議重修建城樓角樓經知縣白晟暨梅寧相繼落成十四年公復倡縣令吳方作埤以磚其崇六尺廣五丈嘉靖二十有一年患寇入境邑人高汝行王朝立等勸眾輸財鳩工更加補葺外增敵臺三十二座隆慶二年知縣王世業增城一丈萬歷十八年知縣陳增美舊濠外築女牆牆外濬濠闊十丈深三丈植柳環岸西北湧水注東南城賴以固崇禎間知縣朱萬欽與鄉紳李中馥等勸率士庶捐金甃城以磚功未竟

國朝順治五年知縣郜煥元始克成之康熙十七年北城
毀知縣孫閔達重修二十年西城毀孫令又復修築四
十七年知縣胡鳳翥濬濠植柳又修城一十五丈乾隆
十五年知縣梁卿雲修北城數十丈廿九年知縣李鳳
集修西南城一十八丈五尺東城六丈五尺重修魁星
閣而銳其上三十三年七月初三日夜大雨如注風峪
水暴發浪高數丈怒吼如雷西郊尹公祠戲樓逐波傾
圯居民廬舍爲之一空壞西城四十餘丈越明年知縣
江二儀始爲補葺七閱月而工乃竣

晉祠堡高一丈七尺周三百丈市樓河南明時又築一堡

太原縣志

卷之一

城垣

二

周圍二里許卽今南堡

國朝順治六年五月姜建勳 太原城

王師自大同府南援蓐食而行遇賊於赤橋花塔間大戰
賊敗退保晉祠堡圍之賊潰堡出還汾州

東莊水堡晉水下流環堡胥水牆高二丈三尺砌以甃石
周二里壕內外二道胥廣一丈五尺密植柳樹四周水
田胥三四里沮洳不能馳馬號爲險固邑副使高汝行
倡督修之

小店堡本永安堡高二丈八尺周圍四百丈乃大原四達
道也

古城營堡高數丈周圍以石爲之

王索堡高數丈

大井峪堡亦名永安堡高數十丈依山負險賊莫能近居

民賴之

義井堡高二丈三尺周圍六十丈

南堰堡高二丈五尺周圍九十丈

董茹堡高二丈七尺周圍二百丈

西寨堡高二丈二尺周圍三百丈

王郭村堡高二丈八尺周圍一百丈

孫家寨堡高二丈二尺周圍二百丈

太原縣志

卷之一

城垣

三

賈家寨堡高二丈二尺周圍八十丈

棗園頭堡高一丈八尺周圍八十丈

姚邵堡高二丈二尺周圍五十丈

固驛堡高二丈二尺周圍三十丈

南格堡高二丈周圍二百丈

辛村堡高一丈八尺周圍一百六十丈

西賈堡高二丈五尺周圍一百丈

張花堡高一丈八尺周圍八十丈

鞏家堡高二丈二尺周圍五十丈

鄭村堡高一丈五尺周圍八十丈

節堡高二丈五尺周圍五十丈

許東堡高一丈八尺周圍八十丈

北堰寨堡懸崖絕壁高數十丈

此係嘉靖十九年陳巡撫行文修築至半

備載以見當年保障之深意且啟後以維新之志

山環水繞原隰寬平自古都會之地

舊志

地處參墟城臨晉水作固同於西蜀設險類於東秦實山

河之要衝信藩服之襟帶

于志寧
皇甫碑

天王三京北都居一襟四塞之要衝控五原之都邑

李白
序

晉之故封太行犄之首陽起之黃河迤之大陸靡之

柳宗
元集

太原縣志

卷之一

城垣

四

顧祖禹曰按太原故城在今縣治東北相傳帝堯都此夏禹之初亦嘗都焉左傳帝遷高辛氏子實沈於大夏主參金天氏之裔允格臺駘以處太原皆此地都邑記太原舊城晉并州刺史劉琨築高四丈周二七里城中又有三城一曰大明城古晉陽城也高齊於此置大明縣因名其城門曰五龍門又一城南面因大明城西面連倉城北面因州城東魏武定三年於此置晉陽宮隋又更名新城又一城東面連新城西北面因州城隋開皇十六年築今名倉城高四丈周八里唐會要舊太原都城左汾右晉潛邱在中長四千三百二十一步廣二千一百二十二步周萬

五千一百五十三步宮城在都城西北卽晉陽宮也周一千五百二十步汾東曰東城貞觀十三年長史李勣築兩城間曰中城武后築以合東城初州隔汾東西二城武后擢崔神慶爲并州刺史因跨水連堞合而一之所謂太原三城謂東西中三城耳唐志宮城東有大明城故宮城也又有受瑞壇元吉留守時獲瑞石築宋平劉繼元城邑宮闕盡毀廢靖康初金人圍太原於城下築舊城居之又曰廢縣龍山在縣西北北齊分晉陽縣置因山爲名或曰齊移晉陽縣於汾水東而於城中置龍山縣也隋開皇十年改曰晉陽移入郭下改舊晉陽爲太原縣唐并爲州治

方輿

太原縣志

卷之一

城垣

五

要紀

高汝行曰五代劉智遠劉崇相繼爲太原節度使及郭威弒劉崇子贇而自立劉崇乃稱帝是爲北漢崇歿子鈞立宋太祖率兵從盤陀谷取北漢攻圍久不下時宋師屯甘草池會暑雨疾作不克而還甘草池今瓦窯頭迤南一帶是也鈞沒養子繼元立至宋太宗太平興國四年始取太原繼元出降議者謂宋興歸德爲商星分野太原居西北爲參星分野昔高辛氏二子不相能也堯遷閼伯於商邱主火而商爲宋星遷實沉於臺駘主水而參爲晉星自古參商不相見故國家盛則此地後

服衰則此地先叛不宜列以方鎮宜削奪之乃下詔毀其城徙其民於唐明鎮而降州爲縣至今幾六百年矣嗚呼天道遠人道邇參商之說信耶否耶北漢之立其義甚正非叛臣比劉鈞答太祖言曰太原土地甲兵本不足以當中國區區守此懼劉氏之不血食也其志亦可哀矣太宗不察乎此而輕信悠謬之說毀其城郭遷其人民焚其廬舍使歷代藩鎮之地莽爲墟豈不深可嘆耶明初自平晉遷築縣城之始建議者不依遷於濠堞具在之所而乃別築於山水衝奔之處豈以爲古昔宮禁之地故避而不敢歟抑以今邑爲南關村落而

太原縣志

卷之一

城垣

六

重遷其民歟或其時已爲晉府封地而有司不能專歟

是未可知也

屈舊志

山川

日月經天山河緯地川岳之靈秀宇宙之文章也原邑右繞龍山左經汾水林泉之勝甲於一郡矣志山川

嬰山在縣西三十里其峰最爲峭拔俗名妙尖山隋圖經云嬰山爲并州之主卽今之五龍纏是也東至鐫字巖二里

石室山在縣西北七里地道記云太原郡山中有石室方丈四尺旁有古篆人莫之識

蒙山在縣西北十里南連太山最高名蒙山砦山下有甘泉一泓漢劉聰攻劉琨不克掠晉陽之民踰蒙山西遁

太原縣志

卷之一

山川

七

卽此上有周將軍楊忠碑劉薛王避暑砦

忠隋文帝父

太山在風峪內有龍池

青崇巖在縣西北三十五里有包寨峯東至大瓦溝南連嬰山西至陽曲界北至老龍凹有泉接孫八峯

方山在縣西南三十里今呼爲天龍山蓋因北齊所建天龍寺而因以名之也山上有石佛閣曰漫山閣其佛就山石爲之高數丈覆以飛閣左爲白龍洞洞內一泉爲禱雨之所其上有北齊神武避暑宮遺址王廷筠詩云掛鏡臺西挂玉龍半山飛雪舞天風寒雲直上三千尺人道高歡避暑宮是也又有上洞下洞石佛無數

山方山之對山也半山有水一泓其間蒼松古柏蒙密幽深黃花老人詩云夕陽欲下山更好深林無人不可留是也

龍山在縣西八里遞高五里有瓦窰峯高四十丈有花巖塔高踰瓦窰南連懸甕山西連方山北齊以山名縣上有唐相國裴休退隱遺址漢志云晉陽有龍山卽此臥虎山在縣西南七里積石巉巖狀若伏虎因以名之出石灰

懸甕山一名結紉山在縣西南十里山海經云懸甕之山晉水出焉山腹巨石如甕形故名宋仁宗時地震巨石

太原縣志

卷之一

山川

八

摧崩無復甕形矣地形志懸甕山一名龍山晉水所出蓋懸甕與龍山實一山西北曰龍山西南曰懸甕故懸甕亦稱龍山也

巉石山在縣西南二十里有寺今廢有泉水一泓

尖山在縣西南二十里有泉水一泓產礬出石炭

象山在縣西南十五里柳子峪內山形如象故名

葦谷山在縣西南三十里有仙巖古寺

黑駝山在縣東北四十里二山對峙如駝峯而色黑故名有泉水一泓

崖山西陽雜俎太原縣東有崖山天旱土人燒此山以求

雨俗傳崖山神娶河伯女故河伯見之必降雨救之山上多生水草今未詳所在

銀牛山在縣北西陽雜俎漢建武二十一年有人騎白牛蹊人田田父呵之乃曰吾北海使者將看登封遂乘牛上山田父尋至山上惟牛跡遺糞皆爲銀也明年封禪杏坪在縣西南山中

玉崖頭在天龍山北

神金岡述異記太原神金岡中有神農嘗藥之鼎存焉今未詳所在

介嶺歐陽詹龍興寺閣野望詩短垣齊介嶺片白指汾流

太原縣志

卷之一

山川

九

水經注晉陽城南舊有介子推祠地形志同按北漢郭無爲隱太原抱腹山段常薦以諫議大夫召之今太原無抱腹山當卽介嶺襲綿山抱腹巖之名爾

虎峪在縣西北四十里出石炭

九院峪在縣西北三十五里出石炭

冶峪在縣西北二十里舊爲冶鐵之所故名今造磁器出石炭

開化峪在縣西北十里餘造砂礪出石炭石灰

風峪在縣正西五里許路入交城樓煩唐北都西門之

路五龍纏青崇巖俱在內出石炭石灰

明仙峪在臥虎山之南出石炭

馬房峪在懸甕山之南出礬

柳子峪在縣西南十五里出石炭出礬

黃蘆峪在縣西南二十里出石炭

閻家峪在縣西南二十里出石炭

風洞在縣西三里風峪口洞方五丈有司以三月祭舊有風神亭噶中丞後建亭屋數間洞中石柱一百二十有六四面皆刻佛經朱彝尊有記

響洞在縣西風峪口內太山寺北二里山中人跡罕到方五丈有奇高下如之人吐語則訇然有聲明邑御史王

太原縣志

卷之一

山川

十

鑑讀書於此少倦輒聞人呼其名疑爲山靈云

磐石在縣西風峪口高廣數丈入地不知其底每夏間峪水暴發此石正當其衝水勢爲之少殺實原城之保障也邑人崔瑄等鐫磐石二字於其巔

插旗石在柳子峪內南山上高五丈周四丈餘上有臼深三尺許俗傳柳盜跖插旗之石

潛邱爾雅云晉有潛邱註曰在太原晉陽縣相傳宋修惠明寺塏陶土爲瓦遂失其形疑卽今之瓦窰村

晉水在縣西南十里源出懸甕山下有二泉北曰善利南曰難老疏爲二池南曰大池流經奉聖寺前名流盃地

北曰八角池分爲三河其北派流經北神橋入安仁賢
輔古城金勝等村爲北河卽智伯遏水以灌城者名智
伯渠至唐貞觀中長史李勣架汾水東引令民汲飲後
名晉渠今廢其中派入大池流經南神橋晉源都東莊
爲中河又一派爲陸堡河流入大寺等村其南派流入
索村等處爲南河胥總匯於清水河入汾其北渠舊引
八縣城通流街衢公館今渠存而水不行水經注縣故
唐國也周成王以唐滅封唐叔於唐因有晉水後改名
爲晉故子夏敘詩稱此晉也而謂之唐儉而用禮有堯
之遺風也昔智伯遏晉水灌晉陽其川上源後人踵其

太原縣志

卷之一

山川

十一

遺蹟蓄以爲沼沼西際山枕水有唐叔虞祠水側有涼
堂結飛梁於水上左右雜樹交蔭希見曦景晉川之中
最爲勝處

汾水在縣東十里源出靜樂繇陽曲城西南流入縣界南
屯等村繇西南馬村流入清源鄉界隸縣境凡七十八
里有北堰中堰南堰相傳宋太祖引汾水灌晉陽縣城
今有遺蹟五代史引汾晉二水以灌之水自城門入而
積草自城中漂出塞之及班師繼元決城下水注之臺
駘澤

洞渦水在縣東南三十里源出樂平經榆次永康鎮流入

縣北格等村西合於汾水經注劉琨之爲并州也劉

引兵邀擊之合戰於洞渦卽此

沙河水在縣西風峪中經晉陽故城東流入汾遇夏暴水

每侵城郭築隄障之遇旱則涸

白龍池在縣西南三十里天龍寺內深丈許遇旱浚之則

雨

澗河出榆次赤坑村流入邑中南畔等村至小店鎮八汾

蓮池在縣南五里晉水聚處每年栽蓮極盛

龍泉在縣西北開化南谷內有八角水池泉從石罅噴出

滴瀝泉在縣西南十里古晉祠下

太原縣志

卷之一 山川

十二

香水在縣西南十里白雲村述異記并州有香水其水香

潔浴之去病

附八景

五峯聚秀

五龍纏與青崇巘三縣皆對峙環列無有不秀而勢皆朝拱此山徑幽深人跡罕到

八洞環青

昊天觀左有石洞八乃宋仙人披雲所鑿此山不崇於蒙山懸甕而清幽爽快疏朗開明

清潭寫翠

內有長生蘋根生水底葉浮水面冬夏一色李白詩云晉祠流水如碧玉百尺清潭寫翠娥

古塔凌蒼

阿育王舍利塔八萬四千在中國者二十而惠明寺浮圖其一也遙而望之侵入雲霞之間

蒙山曉月

此山最高與懸甕方山鼎足而峙每當晴曉月掛峯頭清寒徹骨

汾水秋波

發源靜樂縣經郡西入邑環縣東

白龍時雨

天龍寺有白龍池遇陰多雨

臥虎晴嵐

縣西南七里積石巉岩狀如伏虎

舊志所列八景有廣惠靈泉浮圖瑞靄玉井停驂仙巖避暑已八古蹟今易之

王崇本曰智伯決水灌晉陽史記晉世家趙世家俱言決汾水灌之魏世家載秦臣中旗馮琴對秦昭王則言決晉水以灌晉陽而注史者云趙襄子保晉陽智伯防山以水灌之不沒者三版其瀆乘高西注入晉陽城東出城注於汾說多不同然既曰防山取其乘高以注則爲決晉水無疑蓋汾流平地且係北向南流而山峙其西安得防山而積水也但云西注者注於西也如云汾水東注是也若然則西注之西當是訛字蓋山在晉水

太原縣志

卷之一

山川

十三

之西而城在晉水之東水安從西注乎且既西注矣又何云東出城乎卽曰城邑變遷今異於昔而巍然之山則未聞若飛來峯之越川易地而東西變位也或曰西注者自西而注於東也此解庶乎近之又按後漢安帝時詔太原修水利溉官私民田注引水經注云因智伯故瀆而浚之則亦謂決晉水也且韓康子不云乎乃今知汾水可以灌平陽玩其語意蓋因此而例彼之辭也如前所云旣以汾水灌晉陽矣而猶曰可以灌平陽乎又按太史公自序身所遊歷之地未至晉陽則修史時亦據往籍而兼登兩存之以俟後人參考所謂疑以

疑也故余作晉祠志於決水灌晉陽一事采魏世家漢書水經注等書而不敢取晉世家趙世家之說焉因此此與封唐叔事人多聚訟故論及之

崇本邑人所著有六疎遺稟此段乾

隆四十五年採入府志

水利

周禮稻人掌稼蓄水止水蕩水均水舍水瀉水俱有成法晉省山多而水少且水性湍急稻田尤非所宜惟原邑稻田差多而他禾亦因之並溉焉蓄洩之法所宜究也橋隄亦水利所必需爰附載焉志水利

太原水利昉自漢元初三年春正月甲戌修理太原舊溝渠溉灌官私田酈道元水經註所謂因智伯遏晉水灌晉陽之遺跡而蓄以爲沼者也其瀆乘高東注入晉陽城以灌溉東南出城注於汾水至宋時知縣陳知白分引晉水教民灌溉而利斯溥焉公乘良弼作記美之神宗八年七

太原縣志

卷之一

水利

十五

月太原草澤史守一修晉祠水利溉田六百餘頃明冀寧道蘇君立水利禁例而其法始密

國朝以來屢加修葺申明條例則利愈溥而法愈密矣

晉水渠

晉水鴻鴈南河灌晉祠鎮王郭村南張村索村棗園頭共五村地畝發源晉祠難老泉

晉水中河灌長巷村西堡村南大寺村三家村萬花堡東莊村東莊營共七村地畝發源晉祠難老泉

晉水海清北河灌紙房村赤橋村小站營五府營馬圈屯花塢村西鎮村南城角村楊家北頭南關廂西關廂古

城營羅城村金勝村董茹村共十五村地畝發源晉祠
難老泉

晉水陸堡河灌塢院村紙房村北大寺村東莊村共四村
地畝發源晉祠難老泉

野場村小渠一道由東莊村木閘取晉渠用剩餘水柳斗
掣灌本村地畝

柳子峪天龍山泉水山水經下舍村合流沙河一道灌牛
家口村地畝

汾河渠

豐泉渠灌武家莊董茹村牛家營北阜村城北村小營村

太原縣志

卷之一

水利

十六

南阜村共七村地畝自陽邑看河樓取水

鳳中渠灌南屯南堰二村地畝自陽邑看河樓取水

縣東渠灌南阜村賈家莊東關村鹹地渠鹽堡村河下村

鷺歸店五府營共八村地畝自陽邑看河樓取水

西寨西渠灌吳家堡西寨村北阜村南阜村共四村地畝

自陽邑看河樓取水

睦俗

舊志作
苜蓿

西渠灌古寨村

舊志
姑姑寨

西寨村木廠頭東城

角村賈家莊共五村地畝自陽邑看河樓取水

西寨東渠灌吳家堡西寨村二村地畝自陽邑看河樓取

水

睦俗

舊志作
苜蓿

東渠灌古寨村

舊志作
姑姑寨

木廠頭龐家寨舊寨

村東城角共五村地畝自陽邑看河樓取水

雍正十年
大村入例

張西郃渠奉

前撫部院農

定名三村渠灌西賈郃村

小張義地畝自榆邑西長壽村大

河取水詳見府志

蒲村渠灌溉本村侯家寨草寨村西蒲村南蒲村共五村

地畝自本縣李家莊西北取水

勳南渠灌張村烏城村許東村并分灌黃陵村馬連營後

所營高中村溫泉村田莊共九村地畝自陽邑看河樓

取水此渠在陽邑名龍首渠

舊縣東渠灌大吳村小吳村北畔村南畔村南黑窰下莊

太原縣志

卷之一

水利

十七

村下莊末南楊莊化章堡共九村地畝自陽邑看河樓

取水

興隆中渠灌北張村范家堡紅寺村西莊村大小吳村東

西營村共八村地畝自陽邑看河樓取水

舊縣西渠灌大馬村殷家堡小馬村范家堡紅寺村北畔

村城西村南畔村小店鎮下莊村化章堡圪塔營薛店

村東攢村小營屯西攢村共一十六村地畝自陽邑看

河樓取水

乾隆癸未南黑
窰新准入例

嘉節渠灌嘉節村小馬村殷家堡大馬村共四村地畝自

陽邑看河樓取水

晉陽西渠灌東城角梁家寨北瓦窰南瓦窰鷺歸店共五

村地畝自汾灘取

府志註乾隆十三年家寨新准入例

晉陽東渠灌北瓦窰梁家寨南瓦窰共三村地畝自本縣

大馬村汾灘取水

雍正十年武家寨大村地畝新准入例

永利渠灌小店鎮鞏家堡兩村地畝自本縣吳家堡東北

取水

雍正十年李家莊復准入例

任碧渠灌鞏家堡東橋村圪塔營東攢村薛店村西攢村

小營屯西賈村共八村地畝自本縣西寨村東取水

大村渠灌大村賈家寨宋環村共三村地畝舊自本縣古

寨村東槐龍寺下取水今於嘉慶十四年買到狄嗣青

太原縣志

卷之一

水利

十八

至賈彪地畝另開渠一道在舊寨村東泗家地內取水

永盛渠灌西橋村溫家堡東橋村大村賈家寨共五村地

畝自本縣舊寨村汾河取水

府志註宋環村雍正十年新准入例

梁家莊渠灌梁家莊杜家寨二村地畝自本縣李家莊西

取水

據梁家莊報明印行渠條在李家莊西北官道橋口取水姑錄之以備參考

通義渠灌草寨村南蒲村三賢村共三村地畝自本縣大

村西取水

孫家寨渠灌本村地畝自本縣大村西北取水

流澗渠灌南流澗北流澗二村地畝舊自本縣李家莊西

北取水又於嘉慶十六年買到李家莊龐家寨等處地

畝開斜渠一道在龐家寨東南取水

北格渠灌大北格小北格西北格三村地畝自本縣大村

西北汾河取水

雍正十年南格村復准入例

陳王渠灌同過村石溝村兩村地畝自本縣草寨村北汾

灘取水

柳林堡渠灌劉家堡柳林莊兩村地畝自本縣武家寨西

汾灘取水

既濟渠灌南馬村併清邑長頭村二村地畝自本縣柳林

莊村西汾河取水

里解渠灌西里解東里解洛陽村共三村地畝自本縣西

太原縣志

卷之一

水利

十九

草寨村北河灘取水

廣濟渠灌北莊頭監軍莊武家寨東莊營野場村五府營

共六村地畝自本縣舊寨村槐龍寺邊取水

通濟渠灌南吳家堡併清邑雲枝村二村地畝自本縣河

灘村西取水

仁義渠 晉汾渠 西賈渠 壅塞多年

通志云洞渦四渠皆在太原縣自永康鎮等村引河水分

灌劉家堡等十五村

此與舊志不合舊志止有三渠

郃村渠灌本村地畝自榆邑谷村小河取水

白馬渠灌辛村地畝自榆邑谷村小河取水

安渠灌張花村地畝自榆邑弓馬村小河取水

以上汾河小河渠三十六道均照雍正九年縣志開載
其有今昔不同驗明印行渠條買地硃契確實憑據者
亦間有更正又通志府志新開渠內有賈家寨渠一道
嘉節村取水溉本村一條查雍正九年縣志並未開載
且現今取水之處與通志府志所載不同姑紀之以備
查考

橋堰 附

南神橋在晉祠鎮南街晉水南渠上 舊有映月樓

北神橋在晉祠鎮北街晉水北渠上

太原縣志

卷之一

水利

二十

御駕橋在縣西北二里智伯渠上世傳北齊帝避暑蒙山
建橋故名今廢

御橋在開化峪內

豫讓橋在縣西南七里晉水北渠上豫讓嘗伏橋下欲刺
襄子故名後宋太祖鑿臥虎山流血更名赤橋

清跨橋在縣南八里東莊清水河上

沙河石橋在城北村南風峪沙河上三空以便由縣至省
乾隆三十二年建

石閘二在古寨村西風峪沙河以防汾水倒衝乾隆三十
二年建

汾河橋

南屯橋

吳家堡橋

嘉節橋

小店橋

大村橋

孫家寨橋

西蒲村橋

監軍莊橋

草寨橋

柳林莊橋

南張村橋

姚村橋

邵城橋

洛陽橋

高家堡橋

壩堰在西寨村西北乾隆戊辰邑令梁卿雲築

嘉慶戊辰增修新堰

城東隍堤唐德宗時河東節度使馬燧念晉陽王業所基

宜固險以示敵乃引晉水架汾而屬之城瀦為東隍省

守陴萬人又釀汾環城樹以固堤

韓絳崇聖寺碑熙寧初汾水溢寺宇有淤毀者元豐己未

太原縣志

卷之一

橋堰

二十一

歲即其舊基外築防以圍之預護水患

北堰 中堰 南堰

沙堰在風谷口先年築以障風谷暴水明成化間頽壞正

德七年王恭襄公勸率官民修築嘉靖七年復壞公復

倡率理問丁安縣丞田璋主簿景昴重修知府黃卿作

記二十有一年復壞主簿王儒累石嵌灰長二百餘步

國朝乾隆初年風谷口堰北截衝毀八十五丈

是前二壑

十七

八兩年間南截衝毀四十五丈

是為頭壑

至四十一年巡撫

覺羅巴公延三飭藩司黃公檢委員勘覆於七月十九

日興工修築堰高二丈厚五丈砌以灰石自峪口起北

抵羅城閣東至大柳樹挑濬一千六百餘丈濶五丈深
五尺又至大柳樹東至汾河用價新置地五十八畝有
奇接挑一千一百餘丈濶二丈深一丈十月內工竣而
城北等村可永免山水衝突之患矣

山西巡撫臣巴延三謹

奏爲奏

聞事竊查太原府屬太原縣治地近西山城基低窪距城西五里有風峪口一道兩旁俱係大山蜿蜒一百餘里逢夏秋大雨時行之候各山水滙由此口建瓴而下直注縣城前明正德年間於距口里許之外修築石堰二百餘丈遏水北流經該縣之城北羅城等村開渠宣洩歸入汾河因歷年久遠石堰冲壞峪口之水漸至縣城由西門遶歸東南散漫於五府營小站等村水旣不由故道而洩水舊渠亦卽因以淤塞前據該縣士民呈

太原縣志

卷之一

橋堤

二十三

請修復臣於巡歷之際親至峪口測其地勢博採輿情見峪口與城垣高下懸殊山水驟漲勢甚汹涌雖連年幸無大水而城舍亦未受災但恐日久舊堰全冲一旦猝有水患則捍禦無及自應乘時籌辦以深未雨之防當飭藩司委太原府知府周克開帶同蒲州府同知劉木太谷縣知縣單燾太原縣知縣馮堉前往按段勘估據該府等稟稱自峪口起至大柳樹止計長一千六百餘丈舊有河身形跡顯然惟自大柳樹以東汾河以西約長一千一百餘丈並無河道盡係民田訪之父老僉稱從前風峪口山水至此卽引入縣東渠但渠身窄小

如遇大水之年則穿渠散漫於渠東低窪之處待其久而自涸是必須因勢順導通其尾閘使水有歸宿始足以資宣洩而無礙於民田查縣東渠僅寬數尺灣曲二十餘里恐山水驟至一時不能容納其勢又過於綿遠若就渠開挖則兩岸佔用民地太多現擬自谷口起至大柳樹止照依舊日河身開挖深濶自大柳樹以下估需挑挖民地四十餘畝接開河溝一道引水自西向東直達於汾較之縣東渠尤爲徑直該業戶等亦皆以地方公事無不踴躍樂從且以挑河之後水有去路即可均免散漫之患情願受價出地并據該士民任祐等呈

稱各願捐輸銀兩作爲地價及購備築堰工料之用其挑河之夫各村公出毋庸另籌夫工之費等情由藩司黃檢勘明議詳前來_臣查該司道等所議補修石堰以護城垣在城南居民旣得安其樂利而疏通河道以洩急漲卽城北村莊亦不致有被水之虞於水利農田實兩有裨益當卽督令興工趕緊集事一切銀錢出入俱令該士民自行經理不便假手胥吏稍滋弊端_臣復嚴飭該地方官親身稽察務使工料盡歸實用以垂久遠并令該縣於工竣之後逐年履查如石堰冲有殘缺卽隨時補修若渠受淤亦撥夫於春融疏濬庶一勞永

不致有積重費多之累昨^臣赴運城查勘鹽池之便復親至該處履勘見河已挑完而石堰亦將次竣事除飭將用過工料銀兩數目造冊申送^臣衙門查核存案外所有辦理緣由理合繪圖貼說恭呈

御覽伏乞

皇上睿鑒謹

奏

乾隆四十一年十一月十四日具

奏本月二十七日奉到

硃批知道了欽此

太原縣志

卷之一

橋堤

二十五

學校

五教敷自唐虞冀方被化最先其流風餘韻猶有存焉
然道有升降政由俗革興賢育德之效責在師儒可不
勉哉志學校

太原縣儒學在縣治東北舊在故平晉縣城內明洪武六
年知縣潘原英始徙今所規制畧具十六年知縣皇甫伯
瑄克緒成之正統天順間知縣劉敏張葵繼繕宏治十七
年知縣劉經重修堂齋正德七年教諭張琦等捐金三百
餘兩貯公帑以備繕理之費張尋以憂去越十年少保王
瓊始勸率官師大加修建嘉靖癸未御史王秀檄經歷康

太原縣志

卷之一

學校

二十六

安督修王瓊爲之記學使周宣又爲拓馬道三間隆慶五
年知縣褚寶建尊經閣萬歷十四年知縣向化同邑人高
一麟修建大成殿兩廡啟聖鄉賢名宦諸祠四十五年御
史王遠宜知縣張起鶚增修天啟五年知縣屈鍾嶽捐俸
補修教諭譚誠言經理邑人石鼎亨記

國朝康熙三年知縣徐文烜率闔學重修兩廡二十三年
邑令李廷輔捐俸重修大成殿四十年教諭陳永援訓導
常希孟重修明倫堂四十三年知縣胡鳳翥教諭劉袞修
櫺星門監生李榮基捐貲鋪砌地磚五十五年署邑篆保
德州知州馮國泰教諭張懷琦訓導張光漢捐俸並闔學

公建訓導宅雍正六年監生李榮基捐貲補葺大成殿教諭龔永清訓導賈永隆奉劉學憲重制木主七年知縣龔新重修櫺星門建忠義孝弟祠乾隆十三年冬西廡災知縣梁卿雲修葺三十八年知縣周寬吳重光捐俸重修尊經閣敬一亭及崇聖名宦鄉賢等祠嘉慶 年知縣鍾德廣教諭關國遴訓導趙懷琴倡督士民重修大成殿崇聖祠明倫堂尊經閣及訓導宅前後二院

大成殿

東西兩廡

戟門

太原縣志

卷之一

學校

二十七

泮池

櫺星門

崇聖祠在正殿東

名宦祠在正殿前院

鄉賢祠在正殿前院

忠義孝弟祠在正殿前院

神厨省牲房

會饌堂

庫房

祭器銅爵五十枚明正德十五年知州劉永振置今無存

錫爵二十枚嘉慶十五年闔學公置

明倫堂在正殿後院

東西齋房各五間

敬一亭在明倫堂後院東西房各三間

尊經閣在敬一亭後院

教諭宅卽在尊經閣下東西房各三間

訓導宅在明倫堂右

射圃觀德亭在儒學東今廢

牌坊二一署云德配天地一署云道冠古今在文廟前康

熙五十一年知縣胡鳳翥教諭張懷琦倡闔學公捐重

太原縣志

卷之一

學校

二十八

修

學田明知縣段尙義置大參高汝行記

里解村地六十三畝

孫家寨地四十畝八釐三毫

小站營稻地十八畝

梁家莊地二十畝零八分

城內西南隅有舊倉基一區瓦礫荒蕪已成廢地知縣

胡鳳翥撥入學宮監生李榮基捐貲開懇成熟每歲收

租銀六兩以爲諸生試卷之資

乾隆八年閻實女閻氏輸劉家堡地十一畝

每年租錢
八千四百

溪書院在縣西南十里晉祠鎮明少師王瓊建

書院在城內後街舊止空房一所無束修膏火之需僅存其名而已道光五年知縣員佩蘭出俸金百兩以爲倡諭闔邑紳士量力捐輸共得白金若干兩補葺屋宇酌定束修膏火之費於是規制始備生徒畢集顏之曰晉泉書院